

IHSAN SINGH

KITAPLARI

[ایکینچی سنہ

نومرو ۲۰]



خزینہ اوراق

مؤسسی

محمود جلال الدین

تاریخ طبیعی

جمادی الاخر سنہ ۱۳۰۳

تاریخ تأسیسی

۱ مایس سنہ ۱۲۹۷

بو رسالہ ادبیہ جمعہ ایرتسی کونلری حیقار

ظلم و تعدی به گرفتار اولور ایسه کندی که تسلیبخش
اول که اصل بدبختلق او تعدی به مظهر اولمقدمه دکل
مصدر اولمقدمه در .



عبدالحق حامد بك افندی حضرتلریناک شو
منظومه فوق العاده لری سطرلرک یکدیگری اردنجه
عادتاً ترکی قرائت اولنه بیلمسی التزام اولنمش بر
منظومه حکمت آمیز در :

نه در بو انسان او مخلوق متعند
که زیر پای حقارتمزده مشهود
اولان در که سفالتک منفرد
و مجتمع قشری اوستنده کویا وجود
بوله رق بزم شو مرقات معالیدن
سر محقر لرینه انعکاس ایدن
نظر هدایتمز دالایله
که بینارنده اسمنه عقل دیرلر

ظلمت بی نہایت قضا و قدر
 ایچندہ برقاچ شرارہ نك رؤیتیلہ
 وجود و عدمہ دنیا و آخرتہ
 مهام اسرار غیب الغیب خلقته
 عالمك ابتداسیلہ انتہاسنہ
 یعنی بوحد کمالہ نہ زمان و اصل
 اولدیغنه خلقتك اصل و اساسنہ
 خلقتدن مقصد الہی بہ الحاصل
 زیر و بالای کائناتہ متعلق
 مجروح و باطل مختلف و متفرق
 حد و حسابہ کلز احکام و عقاید
 سردندن حیا ایتمز ؛ ہر فردینك ہمان
 ہر بر حکمنی قدیم و مجدد زمان
 بیوک برانقلابہ تکذیبہ مستعد
 کوستردیکی و ہر انقلاب کبریای
 مطلقہ نك سرائر بی انتہای
 صمدانیتی ظلماتیلہ تعقیب
 اولنہ کلدیکی حالہ حال و استقبال
 و ماضی دنیلن اوچ عبرتدہ بی نصیب

ينه هيچ بری فکرندن نکوله میال
 او هدف ادراك بشردن دور اولان
 واسرار اندر اسرار ایله مستور اولان
 ماهیت محیطه ربوبیتته
 برطاقم حسلر مقصدلر اسناد ایدرلر

اوت مابعدی وارد



انجمن تفتیش و معاینه اعضای کرامندن سعادتلو
 وهی بك افندیك اثر عالیلریدر :

نظيره بغزل ندیم

طویمش فغان و آهمی خندان اولوب کلور
 جسم علیه خنده لری جان اولوب کلور
 بیک درده دوش ایدر بنی ترک ایلوب کیدر
 بیک درده یننه کندیزی درمان اولوب کلور
 خوش بونی خوش صداسی کلور صکره کندیزی
 رشکاور بهار و گلستان اولوب کلور